




**Enhanced Digital and Guided Education**  
OMW SUKUUN. PUSIN NEMOM.

# EDGE Admission Application Packet



Ierin Sukuun 2022-2023



503-399-3041

[infoedgeprogram@salkeiz.k12.or.us](mailto:infoedgeprogram@salkeiz.k12.or.us)

Wisach: Ei prokram EDGE epwe awora nesen, prokram me met ekkewe chon sukuun meinsin non ei prokram repwe awesi ar repwe tongeni sochungio me amasower pwe repwe sópwóch non manawer.

## Föfförun ei EDGE Admission Application

1. Kose mochen kopwe änneni ekkena taropwe meinisin chienen na application. Ika mei chiwen pwan wor omw kapaseis ika wewengaw, kose mochen kopwe kori ewe ofesin EDGE won ei nampa 503-399-3041 ika mak (email) ngeni kich won infoedgeprogram@salkeiz.k12.or.us
2. Ew fansoun käeö ussun porausen ei prokram EDGE fanasengesin ekkewe chon sukuun me ar kewe family ika repwe tonong non ei prokram a fen kókkótonó.

Epwe wor ruu mwiich, Parent Informational Nights, ese pwan tichik omw kopwe fiti, epwe fis fan **Maas 10 kunok 6:00 pm-7:00 pm me Maas 15 kunok 6:00-7:00 p.m.** lir me ruu epwe fis won asepan ika internet. Ena link epwe nomw won an EDGE we webiste. <https://edge.salkeiz.k12.or.us/>

3. Ekkewe application meinisin, nöun sam/iin me chon sukuun repwe tourunong non ewe ofesin EDGE **me mwen kunok 4:00 p.m. Fan Maas 31.** Ekkewe re mang ne touruto murin na fansoun kesipino, sisapw chiwen angang won pwe repwene nomw won ewitiwit murin ekkewe application re muttir tori kich.
4. Ika pwe a a touruto ekkewe application nge ra kan chommong seni met ükükün neni mei suuk, iwe sipwene uttut wor. Ena atun uttut epwe fis fan **April 8.** Ekkewe chon angang ra wisen ömwökutu ei prokram EDGE repwe wisen anganga ena uttut. Sipwe email ngeni ika taropwe ngeni imwen ekkewe chon sukuun sia utti iter. Ekkewe nussun meinisin mei amasow ngeni EDGE, sipwe taropwe ngenir me ngenir nampar ar sipwe uttut wor me anamwur won ewe iten chon ewitiwit.
5. Ren omw tipe-ew ika etiya an noumuwe epwe sukuun non ei prokram non en ierin sukuun 2022-2023, kopwe amasowa meinisin ekkena taropwe mei fiti ena taropwen etiwetiw non omw na email ika pusin wato ngeni kich non ewe ofesin EDGE me mwen **Eprein 29 me mwen kunok 4:00 pm.** Ika pwe ese tori kich ekkena taropwe me mwen ena fansoun kesipinon, **iwe sipwene wanong ewe emon chon sukuun e tapw mwirum me won ewe iteiten chon ewitiwit.**
6. Noumuwe epwe tongeni ketiw me non ewe EDGE program ika pwe e tonong fiti sukuun non ewe Kinikinin sukuun Salem-Keizer me epwe pwan wor nampar ika ID. Ika pwe en minafönong ngeni ach ei Kinikin Salem-Keizer me ika noumw na epwe keran poputa sukuun non Kindergarten, iwe **kopwe fokkun atononga epwe sukuun non ena sukuun non neniom na me mwen epwe ketiw an epwe sukuun non ewe EDGE program.**



### Application Link

Ika ke need aninis ren amasowen ena appication me ika e wor omw kapaseis, iwe kose mochen kopwe kori ewe ofesin EDGE omw kopwe chunong omw kopwe poraus won ena popun. 503-399-3041

[https://docs.google.com/forms/d/1F36dT1knVSHCGIsR\\_ktbv97XcBwRwAEqAmzIJOD9fqk/edit](https://docs.google.com/forms/d/1F36dT1knVSHCGIsR_ktbv97XcBwRwAEqAmzIJOD9fqk/edit)

## Ei prokram EDGE

Ei prokram EDGE a poputa non ewe ier 2020, me non ewe sukunen mwuun Salem-Keizer. Ei prokram a för an epwe anisi ekkewe famini iir mei kutta pwan ew anen an nör kewe chon sukuun repwe tongeni sochungio me a pwan anisi än chon sukuun repwe sine ar repwe weweiti me tongeni nönöu ekkewe digital tools ika masowen kompiuter. Ekkewe pwuken EDGE ra anóngónóng won met ekkewe mei required ew me ew ekkewe mwich repwe käeö me pwan fori me sinei, fengen me ekkewe digital tools ika masowen non kompiuter, iwe sópwöchun ei prokram a pwä seni ükükün än chon sukuun kewe score me non ar kewe tes. Non än ekkewe chon sukuun nonomw non ei prokram EDGE, nge iir mei chok sopweno ne angei ekkewe aninis seni ar kewe wesetan nenien sukuun non pekin urumwot, ekkewe club mwene me mwurin sukuun, me pwan ekkewe ekkoch mwökütükütün käeö. Chon sukuun non EDGE repwe fiti ar kewe high school ne sochungio me angei nour diploma seni.

Non ei fansoun, ei EDGE program mei fen awora ekkoch anen käeö ngeni chon sukuun ar repwe tongeni fori ar kewe nesen.

**EDGE Connected Pathway:** Ei anen käeö EDGE Connected, epwe ngeni ekkewe famini iir mei mochen än ekkewe sense repwe osukuuna nör kewe won internet, me EDGE a wisen akkota nör kunokun sukuun iteiten ran. Ewe sensen EDGE epwe wisen osukuun me ewe famini epwe wisen aninis me tumwunu chon sukuun. Sukuun epwe fis iteiten ran won kompiuter ika internet.

**EDGE Independent Pathway:** EDGE Independent a kawor ngeni ekkewe famini re mochen repwe pusin nemeni nör kunokun sukuun iteiten ran. Ewe sensen non EDGE epwe ngeni chon sukuun ar nesen me chon sukuun repwe pusin fori won inisir. Ewe famini epwe wisen tumwunu än nör kewe sukuun me churi ewe sense ren aninis.

**Mei ëuche kopwe sinei:** Meinsin mwichen 6 me 9 repwe akkoumw poputa non EDGE Connected Pathway tori ar repwe angang fengen me nör we counselor me pwärano ar sine non met ewe mei ëuchea ngeni an epwe fisiöch me pwonuta ar käeö me non ewe EDGE Independent Pathway.

Epwe wor fansoun an sense ngeni chon sukuun meinsin non mwichen K-12, epwe inaii nour sense me chon anisir. Ei sense epwe anisi noumuwe chon sukuun non pekin kókkót me anisireta ar repwe sópwöch non ar käeö. Ren sópwosópwun poraus ren ekkewe ekkoch class mei tongeni kawor ngeni ekkewe chon sukuun non mwichen 9-12, sia tungor omw kopwe no ngeni än [EDGE we website](#) iwe ka fini ena era pwe [Course Catalog](#). Chechemeni pwe ekkewe class mei kawor ngeni chon sukuun a chok anóngónóng won met kewe iir mei need me pwan faniten ar repwe tori ar repwe sochungio.

**Kopwe chemeni:** A fokkun ëuchea än chon sukuun repwe chok fifiti sukuun pwe ar käeö epwe pwönuweta me chon sukuun repwe tonong non ar ra weweiti me sine kompiuter. Ar kana sine epwe anisir ar repwe tongeni sópwöch non ar käeö won internet. Ren sópwosópwun poraus me pönuwen ekkewe ekkoch kapaseis sia tungor omw kopwe no ngeni ei website, <https://edge.salkeiz.k12.or.us/faqs/>.

## Angangen katonong non EDGE Program

Angangen katonong non ei prokram EDGE epwene poputa fan Fepweri iteiten ier faniten en minafön ierin sukuun sipwe tonong non. Ekkewe ra fen susukun non ei prokram epwe chok pusin nomw iter ngeni en ierin sukuun mwurin, tiwan chok ika pwe ewe famini e esinesin ngeni EDGE pwe repwene uttau ika wauu nöur uwe me non ei prokram.

EDGE mei suuk ngeni chon sukuun meinisín iir mei susukun non me nomw non ei kinikinin sukuun Salem-Keizer **non ei fansoun sukkun application**. Mei tichik ngeni ekkewe chon sukuun iir mei sukuun non EDGE iei ar repwe enroll non EDGE me ar we sukuun non ew chok fansoun.

Faniten mei chok köuk neni me köuk ükükün chon sukuun repwe tonong sukuun non EDGE, iwe EDGE epwe akkoumwa ekkewe chon sukuun seni ewe Kinikinin Sukuun Salem-Keizer. Chon sukuun re nomw nukun ei kinikin repwe tongeni tonong ika pwe mei wor neni me mwirin an mwuch ekkewe chon nomw won ewe iten chon ewitiwit me ika pwe mei wor nöun ewe chon sukuun taropwen tungor an epwe transfer mei nomw won file nge mei ketiw. Chemeni pwe mei tichiki än chon sukuun repwe amasowa echo minafö tarowpen transfer (IDT) iteiten ier ren an epwe chon sukuun non ewe Kinikinin Sukuun Salem-Keizer.

Emon chon sukuun esapw tonong non EDGE ika pwe ese awesi ewe application non ewe fansoun a suuk atun amasow. Ekkewe application mei tonong mwurin ewe atun sukuun amasow epwene nomw won ewe iteiten chon ewitiwit. Ika pwe a wor neni mei pön, iwe sia kori ewe chon sukuun mei akkoumw itan me won ewe iten chon ewitiwit.

Ika pwe a kkon chommong chon sukuun re ammasow ngeni EDGE, iwe sipwene fini io epwe tonong nge sipwene uttut wor. Ekkena repwe tonong, ekkewe sipwe uttut wor re akkoumw wanong nöur kewe application me mwen ewe fansoun a kesip:

- Ewe chon ammasow ngeni EDGE, EPWE WOR PWIN mei susukuun non EDGE non ei fansoun me mei fen pwan piin sukuun non ewe ierin sukuun ekeran wesino.
- EMON ME EMON chon sukuun mei require an epwe amasow application, inamwo ika mei wor pwiin non EDGE.

Iwe ika ra en me angei nampan iwe sipwene uttut, meinisín chon amasow repwe nomw won ewe iten chon ewitiwit anóngónong won nampar kewe epwe wor uttut won. Ei list ika iten chon ewitiwit epwe nonomw non ukukun ew ier, me epwe kö iten ekkewe chon sukuun ika pwe a wor neni mei suuk me non mwicheer kewe anóngónong won tettenir won ewe iten chon ewitiwit.

Ika mwo fitemon re ammasow seni ew famini non ew chok ier, nge repwe chok angei ew nampa (ew famini). Ika sia utti ei nampa, iwe meinisín ekkewe pwipwi non ena famini ra tonong sukuun. **Nge chemeni pwe EMON CHON SUKUUN won noun application. Ina met mei tichiki.**

**Uttau ika Wauu seni sukuun:** Nupwe emon chon sukuun **a pusin** uttau seni EDGE an epwene sukuun non pwan ew ekkewe sukunen mwuun, private school ika home-schooled, ewe chon sukuun a fangetani nenian ewe me non ewe prokram EDGE. Nge ika pwe a pwan siwini an ekiek, iwe iir mei tongeni tungor ar repwe pwan tosefaninong, nge iter epwe nomw epinchikin ewe iten chon ewitiwit ar repwe tonong me ika a wor neni iwe sia kori.

Ika emon chon sukuun a **pusin** atou faniten an samaw, iwe nenian me non ewe prokram epwe chok nomw. for medical reasons, that student maintains their place in the EDGE program.

Nupwen epwe wor osukosuken katonong minne ese nomw non met ekkei mei makketiw me non ei taropwe, iwe ewe kumien meinap repwene wisen finata met pwungunon.